

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**ДОМ НАРОДА  
ПРЕДСТАВНИЧКИ ДОМ**

Зajедничка комисија за економске реформе и развој



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**DOM NARODA  
PREDSTAVNIČKI DOM/ZASTUPNIČKI DOM**

Zajednička komisija za ekonomske reforme i razvoj  
Zajedničko povjerenstvo za ekonomske reforme i razvoj

---

Broj: 03/3-50-14-9-5,2/16

Sarajevo, 2.2.2016.

**ORIJENTACIONI RADNI PLAN  
ZAJEDNIČKE KOMISIJE ZA EKONOMSKE REFORME I RAZVOJ  
ZA 2016. GODINU**

**SARAJEVO, februar 2016. GODINE**

Na osnovu člana 65. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15) i člana 55. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15 i 96/15), Zajednička komisija za ekonomske reforme i razvoj Predstavničkog doma i Doma naroda Parlamentarne skupštine Bosne i Hercegovine, na 5. sjednici, održanoj 2.2.2016. godine, utvrdila je

## **ORIJENTACIONI RADNI PLAN Zajedničke komisije za ekonomske reforme i razvoj za 2016. godinu**

Predviđena aktivnost Zajedničke komisije za ekonomske reforme i razvoj (u daljnjem tekstu: Zajednička komisija) u 2016. godini zasniva se na realiziranju međunarodnih dokumenata kojima je vezana Parlamentarna skupština BiH, te specifičnim aktivnostima Zajedničke komisije koje proističu iz njene nadležnosti utvrđene članom 61. Poslovnika Predstavničkog doma i članom 51. Poslovnika Doma naroda Parlamentarne skupštine BiH.

Na osnovu člana 61. Poslovnika Predstavničkog doma i člana 51. Poslovnika Doma naroda Parlamentarne skupštine Bosne i Hercegovine, Zajednička komisija razmatra pitanja koja se odnose na:

- a) ekonomske reforme koje su u nadležnosti institucija BiH;
- b) prijedloge reformi ili inicijative koje Zajedničkoj komisiji dostavljaju predstavnici građanskog društva, odnosno udruženja privrednika, unije poslodavaca, sindikata, agencija za regionalni razvoj, udruženja građana ili drugih nevladinih interesnih grupa;
- c) monetarnu politiku;
- d) politiku vanjskog zaduživanja;
- e) odnose s međunarodnim finansijskim institucijama;
- f) politiku i program obnove i razvoja Bosne i Hercegovine;
- g) definiranje mjera ekonomske politike;
- h) fiskalnu i kreditnu politiku Bosne i Hercegovine;
- i) politiku bankarstva;
- j) statistiku, mjere i standarde.

Zajednička komisija razmatra i druga pitanja iz oblasti ekonomskih reformi, obnove i razvoja Bosne i Hercegovine.

Prema dosadašnjoj praksi, Zajednička komisija je sačinjavala orijentacioni radni plan iz svoje nadležnosti i razmatrala zakone i druge akte, nakon što je kolegiji oba doma odrede kao nadležnu za razmatranje.

Nakon utvrđivanja orijentacionog radnog plana Predstavničkog doma i Doma naroda, usvajanja na Proširenom kolegiju Predstavničkog doma i Kolegiju Doma naroda i njegovog dostavljanja komisijama domova, Zajednička komisija precizirat će decidnije svoje aktivnosti u Radnom planu.

Orijentacioni radni plan sadrži pregled najznačajnijih aktivnosti Zajedničke komisije s utvrđenim rokovima u periodu januar - decembar 2016. godine, prema sljedećem rasporedu:

### **JANUAR - MART**

- razmatranje zakona i drugih akata od ovlaštenih predlagača i dostavljanje izvještaja Predstavničkom domu i Domu naroda PSBiH;
- razmatranje Izvještaja o radu Vijeća ministara Bosne i Hercegovine za 2015. godinu;
- razmatranje Izvještaja o radu Zajedničke komisije za 2015. godinu;

- razmatranje Orijentacionog radnog plana Zajedničke komisije za 2016. godinu;
- razmatranje materijala Direkcije za ekonomsko planiranje Vijeća ministara BiH "Strateški okvir za Bosnu i Hercegovinu".

#### **APRIL - JUNI**

- razmatranje zakona i drugih akata od ovlaštenih predlagača i dostavljanje izvještaja Predstavničkom domu i Domu naroda PSBiH;
- uspostava parlamentarne kontrole – organiziranje tematske sjednice sa Agencijom za statistiku Bosne i Hercegovine - prezentiranje rada, ukazivanje na probleme s kojima se suočavaju u svom radu, te podnošenje inicijativa kako bi se rad unaprijedio;
- prezentiranje rezultata Popisa stanovništva, domaćinstava i stanova u Bosni i Hercegovini 2013.;
- uspostava parlamentarne kontrole – organiziranje tematske sjednice sa Institutom za akreditiranje BiH, Institutom za mjeriteljstvo BiH, Institutom za intelektualno vlasništvo BiH i Institutom za standardizaciju BiH – prezentiranje rada, ukazivanje na probleme s kojima se suočavaju u svom radu, te podnošenje inicijativa kako bi se rad unaprijedio.

#### **JULI - SEPTEMBAR**

- razmatranje zakona i drugih akata od ovlaštenih predlagača i dostavljanje izvještaja Predstavničkom domu i Domu naroda PSBiH;
- uspostava parlamentarne kontrole – organiziranje tematske sjednice sa Agencijom za rad i zapošljavanje – prezentiranje rada, ukazivanje na probleme s kojima se suočavaju u svom radu, te podnošenje inicijativa kako bi se rad unaprijedio;
- prezentacija mogućnosti javno-privatnog partnerstva u oblasti zapošljavanja sa osvrtom na iskustava država regiona po pitanju partnerstava javnih službi za zapošljavanja i privatnih agencija za posredovanje u zapošljavanju s ciljem povećavanja posredovanja u zapošljavanju nezaposlenih osoba - Agencija za rad i zapošljavanje BiH;
- uspostava parlamentarne kontrole – organiziranje tematske sjednice sa Agencijom za nadzor nad tržištem i Institucijom ombudsmena za zaštitu potrošača BiH – prezentiranje rada, ukazivanje na probleme s kojima se suočavaju u svom radu, te podnošenje inicijativa kako bi se rad unaprijedio.

#### **OKTOBAR - DECEMBAR**

- razmatranje zakona i drugih akata od ovlaštenih predlagača i dostavljanje izvještaja Predstavničkom domu i Domu naroda PSBiH;
- uspostava parlamentarne kontrole – organiziranje tematske sjednice sa Agencijom za unapređenje stranih investicija u BiH (FIPA), Konkurencijskim vijećem BiH i Agencijom za osiguranje u BiH – prezentiranje rada, ukazivanje na probleme s kojima se suočavaju u svom radu, te podnošenje inicijativa kako bi se rad unaprijedio.

#### **Meduparlamentarna saradnja**

U okviru mađuparlamentarne saradnje Zajednička komisija planira posjetu entitetskim parlamentima (parlamentarnim komisijama), te u zavisnosti od mogućnosti, posjetu parlamentima, odnosno parlamentarnim komisijama zemalja okruženja, kao i nastavak daljeg aktivnog učešća u radu Mreže parlamentarnih odbora za ekonomiju i finansije zemalja Zapadnog balkana.

## **Ostale aktivnosti**

U osnovnom zakonodavnom postupku Zajednička komisija treba da ispoštuje poslovničke odredbe komisijske i plenarne faze. Prema utvrđenoj dinamici, Zajednička komisija će razmatrati predložene akte iz svog djelokruga i pravovremeno izvještavati predsjedavajuće i kolegije oba doma.

U zavisnosti od zaključaka usvojenih na sjednicama Predstavničkog doma i Doma naroda, Zajednička komisija će eventualno organizirati javne rasprave posvećene projektima donošenja pojedinih zakona.

Zajednička komisija će samostalno ili u saradnji sa partnerskim organizacijama organizirati okrugle stolove o temama koje će biti razmatrane na sjednicama Zajedničke komisije.

U okviru svoje nadležnosti i u skladu s odredbama Poslovnika, Zajednička komisija će uspostaviti odgovarajuće vidove saradnje, kao i održavati uspostavljenu saradnju sa institucijama BiH. U zavisnosti od mogućnosti, Zajednička komisija će tokom 2016. godine saradivati sa sljedećim institucijama:

- Ministarstvo vanjske trgovine i ekonomskih odnosa – nastavak uspostavljene saradnje - analiza realizacije mjera za poboljšanje uslova poslovanja u poljoprivrednoj i prehrambenoj proizvodnji - zaštita i unapređenje domaće proizvodnje u svjetlu mogućnosti unapređenja investicionog okruženja u BiH – dogovor o mogućnostima saradnje na zajedničkoj organizaciji okruglog stola na temu: „Uloga medija u kreiranju svijesti i stavova o domaćoj proizvodnji“, te uvid u stanje u području ekonomske i trgovinske saradnje i konkurentnosti BiH privrede sa osvrtom na CEFTA sporazum – analiza strategija i realizacije;
- Vanjskotrgovinska komora BiH, privredne komore F BiH i RS i Udruženje poslodavaca BiH - nastavak uspostavljene saradnje - uvid u stanje u području ekonomske i trgovinske saradnje i konkurentnosti BiH privrede;
- Direkcija za ekonomsko planiranje BiH - nastavak saradnje;
- Direkcija za evropske integracije BiH - nastavak saradnje;
- Institut za standardizaciju BiH (BAS) - nastavak saradnje;
- Institut za intelektualno vlasništvo BiH - nastavak saradnje;
- Institut za akreditiranje BiH - nastavak saradnje;
- Institut za mjeriteljstvo BiH – nastavak saradnje;
- Agencija za osiguranje u BiH – nastavak saradnje;
- Agencija za rad i zapošljavanje BiH – nastavak saradnje;
- Agencija za statistiku BiH i Zavodi za statistiku F BiH i RS – nastavak saradnje;
- Agencija za unapređenje stranih investicija BiH (FIPA) – nastavak saradnje;
- Izvozno kreditne agencija BiH "IGA" – nastavak saradnje;
- Konkurencijsko vijeće BiH– nastavak saradnje;
- Centralna banka BiH - nastavak saradnje radi sticanja uvida u stanje monetarne politike u svjetlu ekonomskih reformi i razvoja u BiH, uključujući prezentaciju tekućeg izvještaja o radu Centralne banke BiH;
  
- Ministarstvo finansija i trezora BiH – Sektor za predpristupne fondove - uspostava saradnje radi sticanja uvida u stanje u oblasti korištenja predpristupnih fondova u smislu podrške ekonomskim reformama u BiH;

- Uprava za indirektno oporezivanje BiH – uspostava saradnje uz predočavanje analize problematike i održivosti fiskalne politike BiH;
- Odbor za budžet i finansije i Odbor za privredu Narodne skupštine Republike Srpske – uspostava saradnje;
- Odbor za ekonomsku i finansijsku politiku Predstavničkog doma i Odbor za ekonomsku i razvojnu politiku, finansije i budžet Doma naroda Parlamenta Federacije BiH - uspostava saradnje;
- Ured Svjetske banke u Sarajevu – razmatranje Dokumenta Svjetske banke „Doing business“ – unapređenje mogućnosti poslovanja u BiH;
- Nevladine organizacije i sektor civilnog društva – uspostava saradnje vezane za ekonomske reforme i razvoj, kao i borbu protiv siromaštva.

Plan rada Zajedničke komisije će biti fleksibilan i prilagođavan aktuelnim temama.

Predsjedavajući Zajedničke komisije

**Đorđo Krčmar**